

TEZAUUR LITURGIC
20 APRILIE

ACATISTUL
SF. MUCENIC
GAVRIIL
DE LA
BELOSTOK



MOSCOVA, 2000



Акафист

святому мученику младенцу

Гавриилу Заблудовскому,

Белостокскому чудотворцу

Кондак 1

Избра́нный младе́нче Христо́в Гаврии́ле,
велича́ем просла́вляшаго тя Го́спода, восхваля́ем
тя лю́бовию, твоё де́тское незло́бие и стра́сти
честны́я воспева́ем. Ты́ же, я́ко птенёц
непоро́чен, от чре́ва ма́тере Бо́гом
предуста́вленный и го́рнему зва́нию
сопричте́нный, на небесе́х предсто́я, за на́с
моли́ся, да зове́м ти́:

Ра́дуйся, Гаврии́ле, му́чениче Христо́в и
отроча́ чисте́йшее.

И́кос 1

А́нгел све́тел на земли́ яви́лся еси́, Гаврии́ле, я́ко
младе́нец бы́в, ничто́же скве́рно соверши́вый.
Те́мже Христо́с, от земли́ восприе́мый, небе́сная
врата́ тебе́ отве́рзе, избра́нным сочета́вая, с

ни́миже непреста́нно восхваля́еши Пресвяту́ю Трои́цу. Того́ ра́ди услы́ши нас, пою́щих тебѣ́ на землѣ́ сицевая́:

Ра́дуйся, благово́нный сосу́де а́нгельския чистоты́; ра́дуйся, благоче́стивых роди́телей твои́х Петра́ и Анастаси́и о́трасле пречу́дная.

Ра́дуйся, младе́нствующи́х красото́; ра́дуйся, я́ко жити́е твоѐ безгре́шно.

Ра́дуйся, я́ко честна́ сме́рть твоя́ пред Бо́гом; ра́дуйся, в младе́нчестве крѣ́ст Христо́в возлюбѣ́в, понесы́й.

Ра́дуйся, неизрече́нную сла́ву Бо́жию на небеси́ зрѣ́ти сподо́бивыйся; [ра́дуйся, я́ко со все́ми святы́ми во сла́ве Бо́жией пребыва́еши].

Ра́дуйся, Гаврии́ле, му́чениче Христо́в и отроча́ чистѣ́йшее.

Конда́к 2

Ви́дя Христо́с при́сное на́нь возста́ние жестокосе́рдных люде́й, нарече́ тя, Гаврии́ле, младе́нца соверше́нна, во́ина небѣ́снаго добропобе́днаго, и тако́ струя́ми крове́й твои́х чистѣ́йших нече́стие богобо́рцев посече́ и те́х посрами́, да тобо́ю ви́дяще вели́чия Бо́жия и

вели́чия Цѣ́ркве на́шея, ле́потно поѣм в Тро́ице сла́вимому Бо́гу: Аллилу́ия.

И́кос 2

Ра́зум христоуби́йством недугу́ющий имѣ́я мучи́тель, роди́телем твои́м на ма́ло вре́мя из до́му изше́дшим, ле́стию я́т тя, Гаври́иле, и во гра́д Белосто́к увезе́, от чи́стыя твоея́ кро́ве а́ки зве́рь хи́щный жа́ждай наслади́тися. Егда́ же безкро́вен и ме́ртв бы́л еси́, мучи́телие низри́нувшѣ́ тя на ни́ву жи́тню зеле́ну, бли́з ве́си Зверки́ те́ло твоѐ верго́ша. Таковому́ убо по́двигу во страда́нии твоѐм дивя́щѣся, вопи́ем ти́:

Ра́дуйся, та́йных уби́йц же́ртво кро́ткая; ра́дуйся, претерпе́вый стра́шная муче́ния.

Ра́дуйся, явле́й на себѣ́ Христо́вых страсте́й изображе́ние; ра́дуйся, по́сланный от Го́спода обли́чити заблужде́ния.

Ра́дуйся, утвержде́ние ве́ры; ра́дуйся, Цѣ́ркве свети́льниче немерца́яй.

Ра́дуйся, я́ко сопричте́н еси́ ликомъ му́чеников; ра́дуйся, я́ко муче́ньми твои́ми просла́вися Оте́ц Небе́сный.

Ра́дуйся, Гаври́иле, му́чениче Христо́в и отроча́ чистѣ́йшее.

Кондак 3

Си́лою Всевы́шняго укрепля́емъ на крестѣ,
простѣ́ртъ бы́в, му́чениче чистѣ́йший, почи́л еси́ в
ски́нняхъ небѣ́сныхъ, зве́рообра́зное
кровопроли́тие обли́чивъ и я́ростное нече́стие
уязви́в. Ра́дуйся же, воспѣ́вый со все́ми
страстоте́рпцы побѣ́дную пе́снь Бо́гу: Аллилу́ия.

И́кос 3

Имы́й, му́чениче Бо́жий, не́бо покрóвомъ и ниву
зеле́ну одро́м упоко́ения, три́е дни́ безвѣ́стне
непогребѣ́н пребы́л еси́. Тмы́ пти́ц хи́щныхъ, с
ни́миже псо́в а́лчныхъ мно́жество, непоро́чное
тѣло твоѣ́ окружа́ху, оба́че прикосну́тися ему́
ника́ко дерза́юще: пси́ бо му́дрии тѣ́лу тво́ему от
пти́ц хи́щныхъ стра́жею бы́ша. О се́м зна́мение
Бо́жие разуме́юще, глаго́лемъ:

Ра́дуйся, боголюбе́зное ча́до Христо́во;
ра́дуйся, дивна́го смотре́ния Бо́жия исполне́ние.

Ра́дуйся, Сы́ну Бо́жию вожде́ленный;
ра́дуйся, пра́ведникомъ святы́мъ еди́нонравни́че.

Ра́дуйся, пте́нче чи́стый, в гне́зда небѣ́сная
прия́тый; ра́дуйся, райска́го дре́ва вѣ́тве мла́дая.

Ра́дуйся, небе́сных све́тлостей сия́ние;
ра́дуйся, све́тлая звездо́, на тве́рди небе́сней
блиста́ющая.

Ра́дуйся, Гаврии́ле, му́чениче Христо́в и
отроча́ чисте́йшее.

Конда́к 4

Бу́ря волне́ния одержи́т ны́, страстоте́рпче
млады́й, егда́ лю́тую сме́рть твою́ помышля́ем и
чу́до преесте́ственное зри́м на тебе́ явле́нное,
яко́ бо младе́нец бы́в те́лом, му́ж соверше́н
терпе́нием в страда́нии твоём яви́лся еси́. Те́м
у́бо по́двиг тво́й стра́стный умо́м созерца́юще,
воспева́ем Да́вшему ти́ кре́пость: Аллилу́ия.

И́кос 4

Слы́шавше роди́телие тво́я от насе́льников ве́си
Зверко́вския, я́ко ча́до их на ме́сте пу́сте от
три́ех дний́ бездыха́нно обрета́ется, приидо́ша и
кончи́ну твою́ безвре́менну опла́кавше, честное́
те́ло твоё́ на церко́вный погос́т принесо́ша и
бли́з це́ркве ве́си то́я Зверки́ погребо́ша,
безчелове́чному жи́дов злодея́нию купно́ со
все́ми единове́рными ужа́сахуся. Мы́ же,
дивя́щися твоему́ терпе́нию, восхваля́ем стра́сти
тво́я и умиле́нно взыва́ем:

Ра́дуйся, мла́дая вѣтве, и́скуса ми́рских
сласте́й не вкуси́вшая; ра́дуйся, зе́мных бла́г
лише́нный, да небе́сных прича́стник яви́шися.

Ра́дуйся, шести́ лѣт от жи́дѡв погубле́нный;
ра́дуйся, в вѣ́чное Ца́рство всели́выйся.

Ра́дуйся, безвре́менным предста́влением своим
утро́бы отца́ и ма́тере твои́х смути́вый; ра́дуйся,
я́ко ско́рбь их в ра́дость ве́лию премені́ся.

Ра́дуйся, я́ко пра́ведник яви́лся еси́ Влады́це;
ра́дуйся, подража́телю страсте́й Христо́вых.

Ра́дуйся, Гаврии́ле, му́чениче Христо́в и
отроча́ чисте́йшее.

Конда́к 5

Богото́чною звездо́ю бы́л еси́ в ми́ре, ча́до
блаже́нное Гаврии́ле, блиста́я а́нгельскою
чистото́ю, те́мже ны́не сия́еши на небесе́х
сла́вою вѣ́чною с ли́ки пра́ведник, с ни́миже
непреста́нно взыва́ем Царю́ сла́вы Христу́:
Аллилу́ия.

И́кос 5

Ви́дя равноа́нгельскую чистоту́ се́рдца твоего́,
кро́тость и незло́бие, в ни́хже му́ченически
преста́вился еси́, Гаврии́ле, просла́ви тя́ во
святы́х Свои́х Бо́г; вои́стинну бо чу́до пресла́вно:

по три́десѣтехъ лѣ́техъ тѣ́ло твоѣ́ нетлѣ́нно обрѣ́тесѣя,
источ́ник исцелѣ́ний всѣ́м с вѣ́рою к тебѣ́
притека́ющимъ явля́ши. Приими́ у́бо от насъ
похва́лу сию́:

Ра́дуйся, прѣ́ятище благода́ти; ра́дуйся,
нетлѣ́ниемъ мо́щей твои́хъ велича́йшия ра́дости
на́с испо́лнивый.

Ра́дуйся, источ́ниче чуде́сныхъ исцелѣ́ний;
ра́дуйся, я́ко Госпо́дь си́л на тебѣ́ дѣ́вная яви́л
е́сть.

Ра́дуйся, невѣ́рие жи́дѡвъ низложи́вый;
ра́дуйся, кро́вию свое́ю право́веріе утверди́вый.

Ра́дуйся, в ра́дость Го́спода на́шего вше́дый;
ра́дуйся, моли́твенниче на́ш предъ Бо́гомъ.

Ра́дуйся, Гаври́иле, му́чениче Христо́в и
отро́ча чистѣ́йшее.

Конда́к 6

Правосла́вная Це́рковь Христо́ва просла́вляетъ
твоя́, младе́нче Гаври́иле, стра́сти, ра́ны и му́ки,
о Бо́же тобо́ю подъя́тыя, ихже́ ра́ди дѣ́вно
просла́ви тя Госпо́дь и тѣ́ло твоѣ́ нетлѣ́нно земли́
Белосто́кстей яви́, да с умилѣ́ниемъ зове́мъ:
Аллилу́ия.

И́кос 6

Возсия́ нам но́вое чу́до, промы́сления
Божество́ннаго та́йну явля́я, егда́ це́рковь
Зверко́вская в пла́мени огня́ поги́бе, о́баче мо́щи
твоя́ святы́я под спү́дом ея́ храня́щися,
невреждённы обрето́шася. О сём дивя́щеся,
ве́рою с чи́стым се́рдцем возглаша́ем ти́,
просла́вленный младе́нче Гаврии́ле:

Ра́дуйся, испо́лнивый на себё сло́во Бо́жие,
я́ко хранит Госпо́дь ко́сти пра́ведных; ра́дуйся,
утверди́вый сло́во Христа́ Бо́га, я́ко вла́с главы́
ва́шей не поги́бнет.

Ра́дуйся, сокро́вище духо́вное, ве́рных
богаты́щее; ра́дуйся, отра́дным упова́нием на
спаси́тельная обето́вания нас веселя́й.

Ра́дуйся, на небеси́ и на земли́ а́нгелы и
челове́ки досто́йно возлю́бленный; ра́дуйся,
моли́твами твои́ми Созда́теля умило́стивля́й.

Ра́дуйся, избра́нниче Бо́жий; ра́дуйся,
псалти́рю, сла́ву Творца́ возвеща́й.

Ра́дуйся, Гаврии́ле, му́чениче Христо́в и
отроча́ чисте́йшее.

Конда́к 7

Хотя́й Чело́веколюбе́ц Госпо́дь яви́ти в тебѣ́ о́браз назида́ния чело́векомъ, показа́ тя, Гаври́иле, сугу́ба страстоте́рпца, стремле́ния богоху́льник сокруша́юща, да и мы́ добродете́лем твои́м, в ни́хже блиста́еши, поревну́ем и Ца́рствие небе́сное насле́дим, дивно́му в Сво́ем промышле́нии Бо́гу воспева́юще: Аллилу́ия.

И́кос 7

Но́вый свети́льник пресве́тлый, не под спү́дом сокрыва́емый, но на све́щнице Це́ркве Христо́вы поста́вленный и от Бо́га просла́вленный яви́лся еси́, свя́те Гаври́иле, тму́ разсеява́й и Христу́ проти́влящися богобо́рцы кре́пко побежда́й, того́ ра́ди песносло́вим тя́ си́це:

Ра́дуйся, мно́ги ско́рби от жи́дóв претерпе́вый; ра́дуйся, те́х зло́бу и кова́рство победи́вый.

Ра́дуйся, пра́вую ве́ру во и́стиннаго в Тро́ице прославля́емаго Бо́га храни́ти нас науча́й; ра́дуйся, стопы́ на́ша на пу́ть спасе́ния направля́й.

Ра́дуйся, за прободё́ннаго Христа́ Бо́га мно́жество ра́н прие́мый; ра́дуйся, я́ко о Нём на небеси́ прославля́еши́ся.

Ра́дуйся, сла́во правосла́вных люде́й честна́я;
ра́дуйся, тобо́ю бо посети́ Госпо́дь зе́млю на́шу.

Ра́дуйся, Гаври́иле, му́чениче Христо́в и
отроча́ чисте́йшее.

Конда́к 8

Стра́нное и пресла́вное зна́мение благоволе́ния
Бо́жия ви́дится на тебе́, всём притека́ющим к
тебе́, Гаври́иле: да́нною бо тебе́ благода́тию с
ве́рою прося́щих от вся́ких напа́стей охраня́еши,
от скорбе́й свобожда́еши и вся́ко проше́ние с
ве́рою приноси́мое исполня́еши, науча́я дивному
в чудесе́х Свои́х Бо́гу пе́ти: Аллилу́ия.

И́кос 8

Ве́сь в я́звах, искла́н, избодён и обезкро́влен
бы́в, Гаври́иле, пре́дал еси́ пра́ведный ду́х тво́й в
ру́це Бо́жии, от страда́ний упокоева́ясь,
жите́йских зо́л и печа́лей земны́х неприча́стен
бы́в. О се́м пра́ведном в Бо́зе упоко́ении со
умиле́нием воспомина́юще, сия́ прино́сим тебе́
глаго́лы:

Ра́дуйся, непоро́чный во успе́нии твоём;
ра́дуйся, на ло́но Авраа́ма а́нгелы вознесе́нный.

Ра́дуйся, во оби́тели ра́йския со сла́вою восприя́тый; ра́дуйся, венце́м безсме́ртia от Го́спода увенча́нный.

Ра́дуйся, Христа́ Бо́га благи́й послёдователю; ра́дуйся, я́ко насле́дие твоего́ младе́нства е́сть Ца́рствие небе́сное.

Ра́дуйся, я́ко все́м ве́рным воспомина́ние твоё пресла́дко; [ра́дуйся, я́ко воспомина́нием му́к твои́х ве́рнии на пу́ть пра́вый направлѧются].

Ра́дуйся, Гаврии́ле, му́чениче Христо́в и отроча́ чистѣйшее.

Конда́к 9

Вся́к земноро́дный слы́шанием о му́ках твои́х, кро́ткий младе́нче, умиля́ется и стра́сти твоя́ почита́ет; Це́рковь же Правосла́вная му́ченическую кончи́ну твою́ прославля́ет и о и́мени твоём свято́м ликовству́ет, ра́достно пою́щи: Аллилу́ия.

И́кос 9

Ве́тии многоглаго́ливии, очѧ́ма плотска́го ра́зума смотре́ющи [и суетглаго́ливыми усты́ изъясня́ющими] премудро́сть Тво́рческую устро́ения вселе́нныя, недоумева́ют, че́со ра́ди страда́ния непоро́чных младе́нцев быва́ют. Мы́

же, та́инству се́му дивя́щеся, возглаша́ем ти́,
Гаврии́ле свя́те, зову́ще:

Ра́дуйся, я́ко страда́ния твоя́ страда́нием
про́чих пра́ведник равноче́стны; ра́дуйся, я́ко во
страда́нии те́ла за ны́ Страда́вшему сораспя́лся
еси́.

Ра́дуйся, сия́ние Тво́рческа́я Пре́мудрости;
ра́дуйся, Боже́ственное о́ земноро́дных
произволе́ние.

Ра́дуйся, гла́с небе́сный, на по́двиг спасе́ния
все́х призыва́яй; ра́дуйся, пе́рсте Бо́жий, го́рняя
на́м указу́яй.

Ра́дуйся, я́ко Христу́ Царю́ моли́твы о́ нас
приноси́ши; [ра́дуйся, я́ко моли́твами твои́ми
ве́рнии бла́г ве́чных сподо́бляются].

Ра́дуйся, Гаврии́ле, му́чениче Христо́в и
отроча́ чисте́йшее.

Конда́к 10

Спасти́ся хотя́щим, святы́й му́чениче, страда́нии
свои́ми о́браз явля́еши пра́ваго ше́ствия к Бо́гу,
добродете́ли и плодо́в приноше́ния.
Наслажда́ясь же ны́не небе́сных бла́г
неизрече́нных, помяни́ и нас, зде́ на земли́

страдания твоѧ восхваляющія и Богу поющія:
Аллилуѧ.

И́кос 10

Стена́ несокруши́ма еси́, Гаври́иле, всѣм
скорбя́щим и напáствуемым, призыва́ющим же
тебе́, младе́нче, в боле́зни су́щим и ма́терем, о
ча́дех своихъ скорбя́щим, осла́бу и утеше́ние
предста́тельством твои́м подае́ши. Те́мже за вся́
благodeя́ния, тобо́ю на́м явля́емая,
благодарств́енно восклицáем:

Ра́дуйся, храните́лю на́ш кре́пкий; ра́дуйся,
засту́пниче на́ш усер́дный.

Ра́дуйся, младе́нцев небе́сный покровите́лю;
ра́дуйся, боля́щих и недужныхъ ча́д благи́й
целите́лю.

Ра́дуйся, ма́терем, и́щущим утолéния ско́рби о
ча́дех отше́дших, ско́рый утёшителю; ра́дуйся,
мѧту́щихся по́мыслами умирите́лю.

Ра́дуйся, чистоты́ душе́вныя назидáтелю;
ра́дуйся, уго́дниче Бо́жий.

Ра́дуйся, Гаври́иле, мучени́че Христо́в и
отроча́ чисте́йшее.

Кондак 11

Пѣ́ние, е́же прино́сим ти́, Гаврии́ле, не́сть дово́льно к похва́лѣнiю пресла́вных во страда́нии по́двигов твои́х, оба́че зря́ усер́дное на́ше произво́лѣние, приноси́мое на́ми пѣ́ние ми́лостивно приими́, нас же от грехо́в и напа́стей свобо́ди, да чи́стым се́рдцем зове́м Созда́телю на́шему: Аллилу́ия.

И́кос 11

Све́том благода́ти Бо́жия от утробы́ ма́тере оза́рѣнный, нетле́нен возше́л еси́ к Триипоста́сному Све́ту, пред Ни́м же хода́тайствуй о на́шем просвещѣ́нии, о нёмже моля́ще уми́льно вопи́ем ти́:

Ра́дуйся, све́тлый луче́ Трисо́лнечнаго Све́та, оживотворя́ющаго ми́р; ра́дуйся, тепло́то духо́вная, на́шу хла́дность согрева́ющая.

Ра́дуйся, свети́льниче, на́шу темноту́ просвеща́яй; ра́дуйся, пла́меню, нас возгрева́яй в ве́ре, любви́ и наде́жде.

Ра́дуйся, и́щущим предста́тельства твоего́ пред Бо́гом благо́й споспѣ́шнице; ра́дуйся, я́ко мно́го мо́жет моли́тва твоя́ пред лицѣ́м Его́.

Ра́дуйся, го́рняго ми́ра украше́ние; ра́дуйся, до́льняго ми́ра похва́ло.

Ра́дуйся, Га́врии́ле, му́чениче Христо́в и отро́ча чисте́йшее.

Конда́к 12

Благода́ть Боже́ственную, никогда́же оскудева́ющую, но всегда́ врачу́ющую, испроси́ на́м, святы́й уго́днике Бо́жий, да научи́т ны́ подража́ти тебе́ в чистоте́ а́нгельстей и незло́бии, да напра́вит сердца́ на́ша к пла́менной моли́тве и покая́нию, да сохрани́т неврежде́нны все́х, с любо́вию храня́щих за́поведи Христо́вы, да да́рует на́м христиа́нскую кончи́ну, да сподо́бит на небесе́х узре́ти сла́ву Бо́жию и вы́ну пе́ти Пресвяте́й Тро́ице: Аллилу́ия.

И́кос 12

Поём стра́сти твоя́, Га́врии́ле, сла́вим твоё в младе́нчестем телеси́ незло́бное му́жество, ублажа́ем па́мять твою́, на тебе́ бо яви́ся сла́ва Христо́ва, сла́ва Це́ркве Правосла́вныя. Те́мже любо́вию вопие́м ти́:

Ра́дуйся, же́ртво чистая, заклáнная Влады́це о на́с, земноро́дных; ра́дуйся, просла́вивый Го́спода страда́ньми свои́ми.

Ра́дуйся, бла́г ве́чных насле́днице; ра́дуйся, гро́зде виногра́да Христо́ва.

Ра́дуйся, от вра́г вся́ческих кре́пкий на́ш засту́пнице; ра́дуйся, сла́вы на́м ве́чныя хода́таю.

Ра́дуйся, во́ине Христо́в добропобе́дный; ра́дуйся, младе́нцев верхо́внице и храни́телю.

Ра́дуйся, Гаврии́ле, му́чениче Христо́в и отро́ча чисте́йшее.

Конда́к 13

О, непоро́чный му́чениче Христо́в Гаврии́ле, младе́нческаго незло́бия и кро́тости о́бразе пречу́дный! Ма́лаго труда́ сего́ досто́йное пе́ние прие́м, бу́ди на́м те́плый моли́твенник пред Го́сподем, да во дни́ на́ша лука́выя, малове́рием, гне́вом и братоне́навиде́нием обуре́ваемии, в ве́ре, терпе́нии и любви́ свя́то пребу́дем. И та́ко все́ жити́е на́ше преше́дше, ве́чнаго муче́ния изба́вимся, и при́сно воспое́м Бо́гу: Аллилу́ия.

Этот конда́к чита́ется трижды, затем и́кос 1-й и конда́к 1-й.

Моли́тва

Младе́нческаго незло́бия храни́телю и му́ченическаго му́жества носи́телю, Гаврии́ле

блаже́нне, страны́ на́шея адама́нте драгоце́нный и иуде́йскаго нече́стия обличи́телю! К тебе́ мы, гре́шнии, моли́твенно прибега́ем, и о гресе́х свои́х сокруша́ющесея, малоду́шия же своего́ стыдя́щесея, любо́вию зове́м ти: на́ших скве́рн не возгнуша́йся, чистоты́ сы́й сокрови́ще, на́шего малоду́шия не омерзи́, долготерпе́ния учи́телю, но па́че сих, немо́щи на́ша от небе́с ви́дя, те́х исцеле́ние на́м твое́ю пода́ждь моли́твою, и твоея́ Христу́ ве́рности подража́тели на́с бы́ти научи́. Аще ли терпе́ливо крест искуше́ний и злострада́ний понести́ не возмо́жем, оба́че и тогда́ ми́лостивыя твоея́ по́мощи не лиш́и на́с, уго́дниче Бо́жий, но свобо́ду и осла́бу на́м у Го́спода испроси́. Та́же и моля́щися о ча́дех свои́х ма́тери услы́ши, здра́вию и спасе́нию младе́нцем от Го́спода пода́тися умоля́й. Несть такова́го жесто́каго се́рдца, е́же слы́шанием о му́ках твои́х, святы́й младе́нче, не умили́тся, и а́ще кроме́ сего́ умиле́ннаго воздыха́ния никоего́же блага́го дея́ния принести́ возмо́жем, но и таковы́м умиле́нным по́мыслом на́ши умы́ и се́рдце, блаже́нне, просвети́в на исправле́ние жити́я на́шего, благода́тию Бо́жиею на́с наста́ви. Вложи́ в на́с о спасе́нии ду́ш и о сла́ве Бо́жией ре́вность неуста́нную и о часе́ сме́ртнем па́мять

неуспѣнную хранѣти помози́ намъ. Наипаче же в
смѣртнемъ успѣнии́ на́шемъ терзѣнія дѣмонская и
по́мыслы отча́янія отъ ду́шъ на́шихъ
предста́тельствомъ твои́мъ отжени́ и сѣя́
упова́ниемъ Божѣственнаго прощѣнія испо́лни,
во ѣже и тогда́ и ны́не сла́вити намъ милосѣ́рдие
Отца́ и Сы́на и Свята́го Ду́ха, и твоѣ крѣ́пкое
заступлѣ́ние во вѣ́ки веко́в. Ами́нь.

